



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. II. Vera sententia, dupli co[n]clusione statuitur

[urn:nbn:de:hbz:466:1-77132](#)

DISPUTATIO TERTIA

80

Hurtado, novus hujus temporis Nominalis, A
disp. 4. metaph. lect. 4.

Secunda sententia existimat, divina attributa ita posse præscindere ab essentia, vel essentiam ab attributis, ut unum in alio non includatur, etiam implicitè. Ita Vazquez hic disp. 119. cap. 2. Meratus, Fafolus, & alii.

Tertia, quæ est communis in Schola Thomistarum, & quam plures ex recentioribus sequuntur, docet attributa divina distingui ab essentia, vel inter se, solum per modum expliciti & impliciti, sicut eis distinguitur a suis proprietatibus, in quibus transcendentaliter includitur.

§. II.

Vera sententia, duplice conclusione statuitur.

31. Dico primò: Inter attributa divina & essentia-
tia, & inter ipsa attributa, datur distinctio
rationis ratiocinata, & cum fundamento in re;
& non solum rationis ratiocinantis, vel ex con-
notatione extrinseca rerum creatarum.

Hanc conclusionem docet D. Thomas variis in
locis præsertim n. 1. dist. 2. quest. 1. art. 2. ubi sic
habet: *Quidam dicunt quod ipsa attributa non
differunt, nisi penes connotata in creatura, quod
non potest esse &c.* Evidem art. 2. *Sapientia, &
bonitas, & omnia hujusmodi, sunt omnino unum re-
in Deo, sed differunt ratione;* & *hac ratio non est
tantum ex parte ipsius ratiocinantis, sed ex proprie-
tate ipsius rei.*

32. Eadem veritas ratione suadetur: Illa distin-
guntur ratione ratiocinata, quæ distinguntur ratio-
ne, cum fundamento in re: Sed divina attributa
distinguntur inter se, & ab essentia, distinctio
rationis cum fundamento in re: Ergo &c. Major
constat ex primo notabili, Minor proba-
tur. Licet res illa quæ Deus est, sit unica &
simplicissima, est tamen virtualiter multiplex, &
æquivalens pluribus perfectionibus à parte rei di-
stinctis in rebus creatis: unde quamvis ratione
unitatis & simplicitatis, nullam videatur funda-
re distinctionem, sed potius omni distinctioni
opponi: ratione tamen eminentiae, & virtualis
multiplicitatis, eam fundat, quatenus talis emi-
nentia non potest adæquate concipi à nostris
conceptibus, qui speciebus creaturarum uti-
natur ad tendendum in Deum; & sic oportet plu-
res conceptus multiplices ad attingendas perfe-
ctiones divinas, ut egregie exponit S. Doctor in
fra quest. 13. art. 4. ubi videndum est. Distinctio
ergo rationis, quam concipimus in divinis attri-
butis, duplex habet fundamentum: unum ex
parte nostri, nempē limitationem intellectus
creati, & modum concipiendi res divinas, per
analogiam ad creatas; aliud ex parte Dei, emi-
nentiam scilicet divinæ perfectionis, quæ licet in
se simplicissima, æquivalens tamen pluribus à
parte rei distinctis. Unde S. Thomas loco citato
ex 1. sent. dicit quod pluralitas istarum rationum,
non tantum est ex parte intellectus nostri, sed etiam
ex parte ipsius Dei; inquantum sua perfectio super-
rat usumquamque conceptionem nostri intellectus, &
ideo pluralitatē istarum rationum respondet aliquid
in re que Deus est, non quidem pluralitas rei, sed plena
perfectio.

33. Præterea hanc conclusionem probant argu-
menta Scoti articulo precedenti proposita: Ea
enim quæ diversas habent definitiones, & de quib-
us prædicta contradictoria verificatur, & quæ
ita se habent, ut unū possit esse ratio à priori, &

causa virtualis alterius, debent distingui saltem
virtualiter, & distinctione rationis quæ habeat
fundamentum in eminentia rei, ut constabit ex
dictis solvendo argumenta Scoti.

Addo quod ex opinione illa Nominalium, se-
quitur omnia nomina, quæ Deo attribuantur,
esse synonima, & idem omnino significare; at-
que hæc tria nomina, *sapientia, bonitas, justitia,*
non magis esse diversa, quam hæc tria, *Marcus
Tullius Cicero.*

Item juxta hanc sententiam, vix potest expli-
cari, quomodo divina essentia possit communi-
cari Filio sine paternitate, vel hypothesis Ver-
bi uniri primario naturæ humanae, non autem
eius essentia. Vel quâ ratione intellectus in Deo
sit principium quo generandi, non autem vol-
untas, & voluntas, principium spirandi, non
autem intellectus, pluraque alia quæ in Tracta-
tu de Trinitate latius expendemus. Unde Suarez
libro 7. de Trinitate cap. 1. de hac sententia No-
minalium, hanc præter censuram: *Hac opinio, si
in re ipsa differentiat à communis sententia, est plus
quam falsa:* si vero tantum in modo loquendi, est im-
pertinens, & sine fundamento, & vix permititur nobis,
ut ipsoibus aptis ad explicandum hoc mysterium, scili-
cat Trinitatis.

Dico secundò: Attributa divina, inter se, & ab
essentia, ita ratione distinguuntur, quod essentia
in suo conceptu implicitè includit attributa, &
includitur in illis, & quodlibet attributum in-
cludit catena.

Probatur primò conclusio ratione fundamen-
tali. Quodlibet attributum, quantumcumque ab
alio distinctum concipiatur, semper tamē debet
concipi ut actus purus, & simpliciter, ac in gene-
re entis infinitus: Ergo debet concipi ut includēs
actu, saltem implicitè, omnem perfectionem,
qua sibi potest adjungi vel convenire. Con-
sequens patet, quia de ratione actu puri est,
quod non possit concipi, ut perfectibile per ad-
ditionem alterius, & in potentia ad illud, sed debet
concipi ut in se omnino perfectus, licet tota
eius perfectio, in nostro conceptu non explicetur.
Similiter cum infinitum impliciter, in se
formaliter includat omnem rationem entis, quæ
non involvit limitationem & imperfectionem:
quia infinitum nihil potest addi in illo genere in
quo est infinitum: si divina essentia, ejusque at-
tributa, concipi debeant ut infinita simpliciter,
& in genere entis, debent concipi cum inclusio-
ne saltem implicita, cujuscunque perfectionis
simpliciter simplicis.

Confirmatur: Illud habet essentia divina, ra-
tione suæ infinitatis, quod habet ens, ratione
suæ transcendentalis: Sed ens, ratione suæ trans-
cendentiae, ita intime includitur in suis proprieti-
bus, ut non possit ab eis perfectè abstrahi: Er-
go & divina essentia in suis attributis.

Confirmatur amplius: Ita se habet ratio entis
divini & increati, respectu sapientiae increatae,
sicut ratio entis creati, respectu sapientiae crea-
tae: Sed ratio entis creati, non potest perfectè ab-
strahi à sapientia creata: Ergo nec à sapientia in-
creata, ratio entis divini & increati: nec conse-
quenter alia attributa, quæ in tali ratione entis
increati & per essentiam intimè clauduntur &
continentur.

Probatur secundò conclusio: Si in attributis
divinis posset dari distinctione rationis, per modū
excludentes & exclusi, & praecisiones objectivæ,
quales admittuntur à Philosophis inter genus &
diffe-

differentiam, aliosque gradus metaphysicos, posset etiam dari in Deo compositio rationis: Sed illa repugnat divina simplicitati, ut infra ostendemus: Ergo in attributis divinis non potest dari distinctio rationis, per modum exclusivitatis & exclusi. Sequela Majoris probatur: Sicut compositio realis est unio extremorum, quae realiter distinguntur, ita compositio rationis, est unio plurium rationum, seu conceptuum, quae se invicem per rationem excludunt: Ergo si divina essentia, ejusque attributa, fundent plures conceptus objectivos se mutuo excludentes, praebebunt etiam sufficiens fundamentum ad compositionem rationis.

Confirmatur: Conceptus objectivi qui semper excludunt, inter se comparantur, per modum actus & potentiae, perfectivi & perfectibilis, ut constaret genere & differentia, aliisque gradibus metaphysicos: Sed in Deo non possunt dari duo conceptus objectivi, qui ad invicem comparantur per modum actus & potentiae, perfectivi & perfectibilis; repugnat enim actu puro & infinito, ex se fundare aliquam potentialitatem in nostris conceptibus, sed tantum offerre sumnam eminentiam, quae actibus nostris imperfectis adaequari non possit: Ergo illi repugnat fundare conceptus objectivos se mutuo excludentes.

§. III.

Duo corollaria notata digna.

37. Ex dictis inferes primò, quod si divina attributa considerentur secundum rationem implicitam entis increati & infiniti, quam transcendentaliter includunt, omnia sunt aequalia; cum illa ratio entis increati sit unica, simplicissima, & indivisibilis, & in omnibus attributis eodem modo includatur. Si vero concipiuntur secundum rationem explicitam, & per analogiam ad similes perfectiones, quae reperiuntur in creaturis, sub hac ratione sunt in aequalia secundum quid, quatenus unum majorem exprimit perfectionem, quam alterum: v.g. intellectus majorem exprimit perfectionem, quam voluntas; & sapientia, quam scientia, velars; & ea quae spectant ad lineam intellectualem, omnium perfectissimam, quam ea quae pertinent ad voluntatem, & quae se habent tanquam affectiones ad lineam intellectualem consequentes.

38. Inferes secundò: Attributi divinae praedicari non solum identice, sed etiam formaliter de essentia, & essentiam de attributis, & unum attributum de alio, tam in concreto, quam in abstracto. Praedicatio enim est vera & formalis, quando prædicatum essentialiter includitur in subjecto: Ergo si essentia divina essentialiter includitur in attributis, & attributa in essentia, & unum attributum in alio, poterunt formaliter de se invicem praedicari, tam in concreto, quam in abstracto.

Confirmatur: Cum Deus habeat ratione sua infinitatis, quod habet ens ratione sua transcendentalia, eodem modo philosophandum est de attributis divinis, sicut de proprietatibus entis: Sed proprietates entis de se mutuo praedicanter formaliter, tam in abstracto, quam in concreto: illæ enim propositiones sunt veræ: *In est verum, verum est bonus.* Et istæ, *Ense est veritas, veritas est bonitas.* Ergo similiter istæ erunt veræ, & formales: *Deus est sapiens, vel sapientia; Deitas est justitia; justitia est misericordia.* De quo videri Tom. I.

A potest D. Bernardus serm. 80. in Cantica, & libro 3. de consideratione.

Dices: Si unum attributum possit de alio formaliter praedicari, poterit etiam dici, quod unum attributum est aliud, v. g. quod attributum justitiae, est attributum misericordiae. Poterit etiam propria operatio unius, attribui alteri; & affirmari quod voluntas intelligat, quod intellectus amet, quod misericordia puniat, quod iustitia parcat, &c. Sed hæc omnia sunt falsa & absurdula: Ergo, &c.

Respondeo negando sequelam Majoris: quando enim dico, attributum misericordiae, tunc exprimo misericordiam formalissimè & reduplicative, secundum rationem explicitam, & quatenus virtualiter à iustitia distinguitur: sub qua ratione, non est idem formalissimè cum iustitia; nec potest de illa praedicari, vel ejus operatio ei tribui: quod ut fiat evidenter, & plura sophismata quæ in hac materia fieri solent, faciliter dissolvantur.

Adverte primò: Attributum quodlibet, posse concepi duobus modis in Deo. Primo prout appellat, & reduplicat proprium & explicitum conceptum, quem formaliter per modum velut differentiatione dicit, & exprimit: quod est considerare ipsum, secundum quod actu exercet distinctionem virtualem ab altero attributo, eique veluti opponitur. Secundo potest considerati, non solum præcisè secundum quod reduplicat proprium conceptum, quam per modum differentiatione exprimit, sed absolute secundum ea omnia quæ implicitè etiam continet.

Adverte secundò: Distinctiōnem vel relationem rationis, duobus modis importari posse in aliquo praedicato: scilicet per modum puræ conditionis, vel per modum consignificati. v.g. in hac propositione, *homo est animal, distinctione, vel relatio rationis inter gradum genericum & specificum, involvit solum implicitè, & per modum conditionis ad prædicationem requisita:* quando vero dicitur, *animal est genus,* secunda intentio generetatis, & distinctio rationis à gradu specifico, importatur explicitè, & per modum consignificati. His positis, dico quod licet unum attributum possit formaliter praedicari de alio, secundum rationem implicitam entis increati, quam importat; non tamen secundum rationem explicitam, quam formaliter, & per modum differentiatione exprimit: quia in tali ratione explicita importatur formaliter, & per modum consignificati, distinctio virtualis unius attributum ab alio. Unde licet hæc propositiones:

*Misericordia in Deo est iustitia: bonitas est sapientia, sunt veræ, & formales; ita tamen, attributum misericordiae est attributum iustitiae: vel intellectus amat voluntas intelligit, sunt falsæ; quia in his formaliter exprimitur, & exercetur distinctio virtualis unius attributum ab alio, ac importatur in illis, non solum per modum conditionis ad prædicationem requisita, sed etiam per modum prædicati, vel consignificati: sicut in istis, *animal est genus: homo est species.**

§. IV.

Solvuntur objectiones.

Objicies primò cum Nominalibus contra pri-
mam conclusionem: Attributa non magis
distinguntur ab essentia, quam relationes: Sed
relationes ab essentia, ne ratione quidem distin-
guntur;